



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Pickeringi wottoni conuerso miraculosa. n. 47.

urn:nbn:de:hbz:466:1-38320

X X X X V I. Mendacem verò fictamque fuisse hanc omnem tragæ-^{1595.}
diam (præter veram Squiri necera) & vel ab ipso Squiro confarinatam
vt se Magistratui in insulæ ingressu commendaret, vel ab subotnatis testi-
bus Stanleyo, Mundæo, Rollo illi impositam, multa sunt quæ suadent
præter ea quæ Richardus obseruanit. Narrant enim qui fauent conspira-
tioni non fugisse Squirum ex Hispanijs, sed permutatione facta cum cap-
tivis Hispaniensibus excessisse, cum palam sit ex ipsiusmet literis subdux-
isse se clanculum. Tum *VValpolum* aiunt cum videret Squirum nihil in
isto genere attentare, permisisse euipari ex Hispanensi captiuitate re-
deungi in Angliam, rem vt optimatibus detegeret, & Squirum accusaret:
Quasi verò *VValpolus* tam prodigus esse potuerit famæ lux, vt cum tantum
Icelus latere potuisset, nullo fructu suo nisi ingentis probri, propalandum
permitteret cuilibet transfreranti. Hic verò, cui res permisæ dicitur, redux
in Angliam, non se missum, aut permisum aiebat eo fine, sed clam literas,
quas ferebat, subfuratum esse ex conclavi. Tam difficile est sibi inuitem co-
hærentia proferre inter mentiendum. Illud non potui sine admiratione, di-
cam? an indignatione aliqua legere in actis à quodam qui intererat recita-
tis, Squirum cum in iudicio de capite se defenderet, palam repetiisse se quinq;
horarum dirissima quæstione laceratum fassum esse quæ neq; dicta, neq; facta
vnquam à le fuissent, tantum vt à tormentorum acerbitate liberaretur, Procul-
tores verò Regios, eodem loci affirmasse adhibitum eum nunquam fuisse
quæstioni; quæ lectori concilianda relinquo: Mihi enim hinc confici
certissimè videtur, rem totam non sine apertissima partium collusio-
ne transactam: Cum interim Rollus, quicum ex Hispanijs traiecerat Squi-
rus, in Arce teneretur clausus, ne Squiro neganti se quidquam cum illo
de huiuscemodi rebus habuisse sermonis si contentiret iudicium de capite
interturbaretur; liberiorque Stanleyo, & Mundæo, notis quadruplatori-
bus daretur potestas quæ vellent crimina Squiro imponendi: Quæ ars
non est apud illos infrequens qui vt fines luos consequantur nullum ar-
bitrantur Icelus esse indecorum. Hæc acta sunt dum Hispali degeret *VVal-
polus*: Qui amotus inde Vallisoletum non modò quædam edidit in lucem
eius temporis Hæreticis larvam vt detraheret, (Quæ apud Pitzæum vide-
re est, & Alegambe) sed in conuersione Pickeringi *VVottoni*, lethali mor-
bo decumbentis insignem nauavit operam, & Sancto Dei Zelo plenus ad
misericordem eius in supplices pietatem experiendam prudenti consilio
morti proximum præparauit.

XXXVII. Pickeringus hic, primus Filius Baronis *VVottoni*, mag-
nam partem Galliæ, Italiae, Hispaniæ, Germaniæ peragrarat, morum &
linguarum dilendarum studio, pro ea quæ Septentrionalibus nationibus
familiaris est antiqua consuetudine: Corruptæ Religionis quam à teneris
hauserat erat tenacissimus, tum natura sua, tum Pattui Henrici *Wottoni*
qui apud Venetos agebat Orator institutione: Cum multis multa de fide
contulerat

1593. contulerat sat audius audiendi , seu humanitate , seu curiositate magis-
tra ; doctus ultra aures nihil in animum demittere . Vallioleti dum a-
geret quid ei in postrema ægritudine acciderit ipsi summet audire iuvat re-
ferentem .

Tertio Octobris Annis excentesimi quinti , feria secunda , correptus fe-
bri , accersitum cum qui mihi erat à cubiculis , iureurando adstrinxerat nè
quenquam ex Patribus Societatis ad me vocaret . (erat enim is Catholi-
cus) aut de morbo quidquam nuntiareret . Etenim animo meo prorsus
federat viuere & mori in Religione Protestantum , neque ultra quem-
quam audire de fide differentem ; videbar enim sat multa à pluribus au-
diuisse in Italia , Hispania , & alibi ; die Sabbathi , qui fuit morbi deci-
mus tertius , Pater quidam Societatis , qui casu de ægritudine audierat ,
me inuisens , petijt quid esset causa cur eum moneri noluerim de tam
graui corporis intemperie . Timebam , inquam , nè de Religione infer-
res sermonem ; & nunc rogo , si me amas , vti de ea nè verbum facias .
Cumque Pater ille nihilominus aliquoties offerret rationes cur Catholicè
vieuere & mori expediret , totidem vicibus flagitari ut desisteret , toti-
demque assuerauit apud animum meum omnino decreuisse in ea
quam hactenus colui Protestantum fide viendum mihi esse & morien-
dum , certum de remissione peccatorum meorum per Christum Iesum ,
si cam fidem ad mortem usque tenerem . Abiturus Pater rogat an bene-
uole accepturus essem si me rursus inuiseret ; vtique aio ; si vt amicus in-
uisas ; si vero vt de Religione iterum commoneas ; oro obsecroque ne ve-
nias ; discedens considerare , inquit , te tamen velim primo & leto per-
pendere , Tibi ceterisque plerumque Protestantum perlungum esse Ga-
tholicos posse saluari : Ex aduerso quotquot sunt , vel qui vlo vñquam
tempore fuerunt , Catholicos tanquam indubitatum fidei articulum tene-
re , Protestantes & reliquos Hæreticos extra Catholicam Ecclesiam salu-
tem consequi non posse : Si igitur Catholicis me adungerem , utrumque
consentientibus fecuram imiterum esse viam . Quæ consideratio non
valde me tunc temporis commouit . Monuit deinde nè animo esse vel-
lem prorsus obfirmato ; cauerem vero nè resistendo cogitationibus , quas
diuina bonitas parata esset ingerere , excluderem obstinatè media quæ
pro animæ meæ salute misericorditer dispositisset . Permitterem me potius
illi integrum cum omni indifferentia , obsecraremq; si à recto tramite
hactenus deuiassem , docere vellet viam rectam qua illi seruire , & ani-
mam meam seruare possem . Tum valedicens rogauit , si vltius aliquid
audire cuperem de Religione se accerserem : ventutum se quavis intempe-
stæ noctis hora . Postrema hæc oratio alte infedit animo , vñaque est
tam vicina rationi , vt non possem tam æquo non vti consilio . Itaque
non multo post quam discessisset , erexit me vt potui in genua , & pro-
tensis ad Cœlum manibus , quam ardentissimè , intimis ex visceribus mul-
tiisque

tilque cum lachrymis rogauit Deum Creatorem, ut me facturam suam oculis misericordibus intueretur, dignareturque voluntatem suam mihi & rectam salutis viam, si in recta non essem, demonstrare. Quā in preicatione dum quanto potui ardore persisto, oculis ipsis obiectitur subito clarissima lux in Crucis figuram efformata, animo vero tam multa pro fide Catholica argumenta quod illa sola sit via ad salutem, atque ex aduerso Protestantum Religio absurdissima, & damnationem inducens, ut nullum mihi penitus dubium adhaerit. Inter haec autem argumenta, multa fuere quae à nomine me quoquam ante audiisse memineram; tanto vero gaudio exiliebat cor quantum verbis exprimere nequem. Confestim igitur accito Patre, atque interea orans Deum ut hunc in me spiritum seruoris conferuaret, mox ut aduenit petij ut peccata confitenti præberet aurum; narrauique quae acciderant vniuersalia: Illa autem dies perpetuo me compleuit solatio & salutis consequenda fiduciā, vna cum sumissimo proposito faciendi, si viuam, quod in me erit pro exaltatione fidei Catholice; si vero Deo visum fuerit me modò ex hac vita educere, libenter moriar, tradoque me penitus in eius Sacratissimas manus, & Cœlites omnes rogo ut me iuuent, quo debitas Deo gratias agam pro hac tam magna misericordia, quā tam singulari vocatione me fecit membrum Catholicæ fidei, ac Romanæ Ecclesiæ, in qua gratia eiusadiuante viuam & moriar. Quorum omnium veritati ut fidem faciam, hec propria manu signavi, hac decima septima die Octobris Anni millesimi sexcentesimi quinti. Præsentibus Richardo VValpolo, Francisco Young, Ioanne Persal. I erat morbi dies decimus quisitus; qui ingrauelens, postero deinde uitam illi lustulit cum meliore commutandam; sepultus est honorifice in Ecclesia Sancti Laurentij, magno Nobilium Hispanorum concursu, quos per id tempus Vallitoletum Regis Philippi tertij aula vocauerat. Scripta & morientis manu firmata relatio missa ad Parentem Baronem magnè incitamento fuit ut quām-primū etiam ipse seposito legum metu, contemptisque huius sæculi perituriis bonis, fidem Catholicam amplecteretur; eaque propter in iudicium vocatus perficit imperterritus; certus reliquorum omnium quām certissimæ firmissimæque Religionis subire iacturam.

XX XXXVIII. Richardo VValpolo aliquot post annis Valliole-
ti vita functo, successit in Praefectura studiorum primū, tum in cura
Missionis Michael, eius frater minimus natu; Fuerat post Patrem Ro-
bertum Jones Superior nostrorum in Anglia. Tum reuersus in Hispa-
nias, quanquam valentia robustaque corporis constitutione, sicut & cœ-
teri fratres, æstuantibus cesit calotibus, migravitque è vita Hilpalij, non
multum quinquagenario maior, quatuor votorum Professus ab anno no-

F f

no supra

Michael
VValpolus